

Segun AVP

NEL ODUBER NO SA DISTINGUI ENTRE POSITIVO Y NEGATIVO

ORANJESTAD(AAN) -- AVP a duna di conoce na DIARIO cu sentimentonan mixto, decepcion y repugnancia ta vibra den curazon di tur Arubiano, ora scucha e declaracionnan di e Parlamentario di MEP, Nel Oduber den e ultimo diano aki entorno e berguenza nacional grandi cu e number di Aruba internacionalmente ta den un luz negativo.

AVP ta haya cu e reaccion di Nel Oduber ta politicamente di nivel hopi abao. E forma di presenta su pensamentonan ta e prueba palpable di e limitacion di Nel Oduber su mente y conocimiento.

Aparte di cu solamente habri su boca ya caba so ta pone pueblo sa cara na berguenza, su palabranan ta sali for un alma na candela cu no kier resigna su mes cu pueblo a bise den idioma cla: Nel bo a fracasa!

Nel Oduber ta insinua cu e mal number internacionalmente di Aruba ta data for di 1987.

Segun AVP, por ta Nel Oduber tin razon. Pasobra Aruba tabata den un situacion practicamente desequilibra ainda despues cu Gabinete Eman I a hereda Aruba den e desaster historico y inhumano cu MEP a ocasiona.

AWENOCHI

PROGRAMA RELIGIOSO NA TELEARUBA

ORANJESTAD (AAN): Renobacion Carismatico Catolico ta extende un invitacion na henter pueblo pa sintonisa TeleAruba awe noch pa 7:30 pa un programa religioso di Iglesia Catolica.

E programa aki lo ta un presentacion di e celebracion solemne di dia 16 di oktober, cu e tema "Manifestacion di nos Fé den Aña di Famia".

Lo tin parti di e procesion bunita y celebracion di Santa Eucaristia solemne den Entertainment Center.

Berdad ta cu e aña ey ainda no tabatin un splicacion convincente kico e destino di e tanto miyones di Winstbelaasting paga promer cu 1985 door di Lago ta. Tampoco tabatin un clarificacion total ainda di con personanan manera Ocando Paz tabatin "carte blanche" tanto den nan movicion y actuacion na Aruba den e epoca di oro di e partido MEP (no pa e pueblo) promer cu 1986.

Cierto ta cu na 1987 tabata exactamente 10 aña despues cu Nel Oduber su partido a manda un delegacion pa Cuba y te na e momento ey ainda tanto pueblo como instancianan p.e. Gobierno Americano tabata sumamente interesa kico e meta di tal delegacion tabata.

Den e aña ey, den cuadro di Reino Hulandes ainda tabatin politiconan di taya cu tabata corda bon cla ki gran bergueza y humiliacion

e pueblo di Aruba mester a soporta door e proceder di integrantenan di e partido promer cu 1986.

Ainda den cuminsamento di 1987 Aruba tabata conoce algun hogarnan cu sufrimento y hamber como consecuencia di e desempleo monstruoso cu Nel Oduber a regala nos pais.

AVP a indica cu tabata den e mesun aña 1987 cu region Caribense, Reino Hulandes y especialmente e pueblo Arubano a vislumbra un glorioso y briyante futuro pa motibo cu Aruba tabata worde maneha pa un grupo di yiunan di tera cu tabata poniendo e pais como un ehempel di positivismo, crecimiento economico y felicidad popular.

Tabata na 1987 cu Su Mahestad La Reina Beatrix a glorifica e hazaña tenaz di Gabinete Eman I pa den un tempo corto a saca e pais

Aruba for di e situacion cruel cu MEP a masacre na 1985.

Segun AVP, lamentablemente for di 1989 Aruba a bolbe cay den fila di paisnan cu un number sumamente negativo. Nel Oduber y su Gobierno tabata puñala e pueblo di Aruba door di cu continuamente e tabata worde yama door di Gobierno Hulandes pa e intenta na pone un tiki di organizacion y decensia den su Gobierno. Aruba tabata bay perdi. E ofensa mas grandi pa pueblo ta ora cu a yega asina leu cu Aruba a worde poni bao curatela.

Pueblo di Aruba no por a wanta mas insulto y nomber di Aruba den Reino y internacionalmente no por a worde mas herida. Nel Oduber y Ella Tromp-Yarazaray ta pretende di bisa cu nan tabata worde trata bon door di ehecutivonan

Hulandes, esey tabata pa musta nan cu nan tabata worde vigila bao di tur circunstancia, scapando asina e cara di Reino.

Awor cu Nel Oduber na cierto ocasion tabata sinta den e mesun lugar cu alto funcionarionan Hulandes tabata probablemente pa lage sa cu e ta sinta den un bon misa pero den un mal banki.

Segun AVP, pueblo di Aruba ya a compronde e intensiionnan maligno di Nel Oduber, cu den su concepto sagrado su meta ta pa dañu number di Aruba pa a sina saca probecho politico pa sacia su hamber pa poder.

E pueblo ta conciente cu na e momento aki tin e Gobierno AVP/OLA, saliendo di su stimacion pa Aruba, lo sa di pone e number di nos pais atrobe na unda semper e mester ta: esey ta na promer lugar.

E BATAYA CU HOPI SWEET AND LOW!!

